

02116

二、三、卷

二

二、
三、卷

四

五

六

方輿志卷之二

方輿志

學校

化民成俗其必由學乎以是徧州邑皆有學崇奉
先聖配以先賢先儒然惟春秋釋奠士子始一與於祭而
四遠復不能偕來蓋鄉學無多屋宇可以爲講肄之
位而學之士歲積而多故家塾黨庠各從所近而遙
以名隸焉亦其勢然也我

朝重道尊儒所頒者有

帝訓所藏者有

賜書禮有度樂有容俎豆尊彝有其器黍稷牲牢有其物
息焉游焉可以知古可以知今尊

王法聖肅然起敬是卽化民成俗之大端也志學校

學宮

在縣治東南中爲大成殿旁爲兩廡前爲戟門

戟門之左爲菁莪祠右爲土地祠爲省牲所前爲崇
臺臺下故有泮池今平之而環其南以石欄欄外宮
牆數仞東爲雲路西爲蛟騰鳳起坊櫺星門則折而
西向臨街街之西爲泮池前邑令楊公所改作也櫺
星之旁曰義路曰禮門殿後爲明倫堂其東爲龍門
西爲齋房爲諭宅龍門北爲諸生學舍舍之外三元

宰相舊額在焉堂後爲尊經閣雲路北爲黌門臨於
黌門之東者魁星樓樓東北爲崇聖宮宮之左爲忠
義孝悌祠樓後爲訓宅又東爲三祠堂堂後爲義學
爲射圃

欽定文廟位次

大成殿

至聖先師神位南向

四配

復聖顏子

宗聖曾子

述聖子思子

亞聖孟子

十二哲

先賢閔子損

先賢冉子耕

先賢冉子雍

先賢宰子予

先賢端木子賜

先賢冉子求

先賢仲子由

先賢言子偃

先賢卜子商

先賢顓孫子師

先賢有子若

先賢朱子熹

東廡從祀六十二人

先賢遽瑗

先賢澹臺滅明

先賢原憲

先賢南宮适

先賢商瞿

先賢漆雕開

先賢司馬耕

先賢梁鱣

先賢冉孺

先賢伯虔

先賢冉季

先賢漆雕徒父

先賢漆雕哆

先賢公西赤

先賢任不齊

先賢公良孺

先賢公肩定

先賢鄭單

古本作

先賢罕父黑

先賢榮旂

先賢左人郢

先賢鄭國

先賢原亢

先賢廉潔

先賢叔仲會

先賢公西與如

先賢邾巽

先賢陳亢

先賢琴張

先賢步叔乘

先賢秦非

先賢顏噲

先賢顏何

先賢縣亶

先賢樂正克

先賢萬章

先賢周敦頤

先賢程顥

先賢邵雍

先儒公羊高

先儒伏勝

先儒董仲舒

先儒后倉

先儒杜子春

先儒諸葛亮

先儒王通

先儒范仲淹

先儒歐陽脩

先儒楊時

先儒羅從彥

先儒李侗

先儒呂祖謙

先儒蔡沈

先儒陳淳

先儒魏了翁

先儒王柏

先儒趙復

先儒許謙

先儒吳澄

先儒胡居仁

先儒王守仁

先儒羅欽順

西廡從祀六十一人

先賢林放

先賢宓不齊

先賢公冶長

先賢公皙哀

先賢高柴

先賢樊須

先賢商澤

先賢巫馬施

先賢顏辛

先賢曹卹

先賢公孫龍

先賢秦商

先賢顏高

先賢壤駟赤

先賢石作厓

先賢公夏首

先賢后處

先賢奚容蒧

先賢顏祖

先賢句井疆

先賢秦祖

先賢縣成

先賢公祖句茲

先賢燕伋

先賢樂欬

先賢狝黑

先賢孔忠

先賢公西蔵

先賢顏之僕

先賢施之常

先賢申枨

先賢左邱明

先賢秦冉

先賢牧皮

先賢公都子

先賢公孫丑

先賢張載

先賢程頤

先儒穀梁赤

先儒高堂生

先儒孔安國

先儒毛萇

先儒鄭康成

先儒范甯

先儒韓愈

先儒胡瑗

先儒司馬光

先儒尹焞

先儒胡安國

先儒張

先儒陸九淵

先儒黃幹

先儒真德秀

先儒何基

先儒陳澧

先儒金履祥

先儒許衡

先儒薛瑄

先儒陳獻章

先儒蔡清

先儒陸隴其

按明洪武初釋奠孔子稱大成至聖文宣王正統間

刊定名爵位次嘉靖九年准大學士張孚敬議改大

成毀爲先師廟孔子稱先師以四聖十哲配上丁先
祭啓聖祠而後祭孔子及從祀孔門弟子稱先賢左
邱明以下稱先儒悉罷封爵俱用本主祀典至是始
正其從祀則洪武二十九年罷楊雄進董仲舒正統
二年進胡安國蔡沈真德秀弘治八年罷吳澄成化
八年進楊時嘉靖九年以申黨申根本一人存根去
黨其公伯寮秦冉顏何荀况戴聖劉向賈逵何休馬
融王肅王弼杜預十一人罷從祀林放蘧瑗鄭玄鄭
衆盧植服虔范甯七人各祀於其鄉進后倉王通胡
瑗歐陽修陸九淵五人從祀以顏無繇曾點孔鯉配

享啓聖祠徹從祀之主隆慶六年進壽瑄萬歷十二年復進胡居仁陳獻章王守仁從祀

國朝康熙二十三年頒萬世師表匾額懸大成殿躋朱子配享次十哲下五十五年以范仲淹從祀雍正元年追封孔子五代加王爵

御書生民未有匾額頒懸大成殿二年復進林放蘧瑗秦冉顏何鄭康成范甯六人從祀增縣直牧皮樂正子公都子萬章公孫丑諸葛亮尹焞魏了翁黃幹陳淳何基王柏趙復金履祥許謙陳澔羅欽順蔡清陸隴其二十人從祀增入崇聖宮張廸從祀乾隆三年頒

御書與天地參區額懸戟門十五年升有若於哲位復吳

澄從祀并考訂東西廡賢儒位次及陳設祭品圖式
通行各州縣而文廟祀興秩然矣

宋至道三年縣令孫公讜鼎建文廟學宮
紹興九年

縣丞汪仔重修

方聞記天下事有可爲而終不得爲者非其時也時有可成而終不得成

者無其人也是故事之興廢在時時之得失在人學
校之在天下常與治亂相爲盛衰至於因時作輟顧
其人何如耳淳安劇邑乃睦之舊治也風俗淳厚土
類滋多當時縣學比他邑爲壯無何臘寇嘯聚一夕
煨燼因循不作十有九年兎葵燕麥彌滿其址殆將
斃爲園蔬矣居民頓議修復或謂時方軍興此非急
務過者視之不啻如弁髦士梗恬不之恤更五縣令
竟不克成吁可惜哉豈其人狃於流俗而所見有不
同耶抑亦興廢在時若有待而然耶記曰受成於學
詩曰在泮獻馘漢光武披荆棘間投戈講藝息馬論

道唐太宗爲天策上將開館延聘文學之士用武之時謂此非急務得乎文翁起官舍招下學子弟衛颯下車修庠序之教其政績之美遂爲兩漢循吏最謂州縣之學彌年不修得乎清丞汪公仔涓尉周公操皆以文雅飾治慨然有志於斯適郡倖孫公行邑閭其廢圯已久遂以諸生言力請於太守董公公儒之真者旣樂從之二公乃相與闢地掄材必躬必親若士與民欣然資助故官不妄費事無橫歛經始於戊午之十一月告成於己未之正月堂廡深邃殿宇崇麗儼聖像而一新之瞻之如在祠宿祭器各有其所齋舍庖湍罔不完善規模形勝過舊遠甚所謂得其人則成之易也雖然學所以養士士所以事道有學而不養士士而不事道與無學同然則今日重建之意豈徒然哉夫堯舜文王爲正道非堯舜文王爲瞽道君子正而不齔亦返諸經而已六經貫道文也載之以傳後世孔子之道乃堯舜文王之道舉而措之則敬敷五典情篤三物皆是道也教者教此者也學者學此者也周設學校是道以興秦廢學校是道以湮漢晉以下迄於梁隋清談詭道卑者弱申韓高者佞佛老是道又爲天下裂而學者佹佹然不知所守

安所得正經而興之今天子勵精圖治留神學校且與三代並隆紹興聖訓曰士大夫之學宜以孔孟爲師庶幾言行相稱可濟時用豈道之將興也歟韓愈請置鄉校曰刺史縣令不躬爲之師閭里後生無所從學二公興建之勤敦勸之篤文學政事卓有可觀旣得其人矣諸生弦歌講習有其時宜何若哉昔梁邊亭人種瓜勞於灌溉其瓜美於楚邊亭長梧封人爲禾耕而鹵莽耘而滅裂其實亦鹵莽滅裂而報今學者能爲梁邊亭人之種瓜無若長梧封人之爲禾則業精行成不特事科舉爲青紫計而已又將深造聖人之域庶幾上副明天子之詔中不負賢有司之意是學之成也乃不爲虛文諸公屬予記因書於麗牲之碑

淳熙六年縣令陳公曄構講堂齋舍 慶元五

年縣令鄭公擢重脩 嘉定七年縣令應公與權市

地創外門築杏壇 十五年縣令黃公山成塑大成

殿聖賢像 淳祐四年縣令趙公崇嶠闢務本循理

二齋揭御書大成殿額建七十二賢祠 寶祐二年

縣令石公孝聞增置東西齋廳

方逢辰記孔門教人惟曰學道子游得之

爲宰邑法蓋君子學道決不忍仇其民小人學道必不忍尤其上上不仇下下不尤上雖治國平天下可也於一邑乎何有嚴顏一絲稟稟有生氣淳源嚴上流治萬山窟其民蠢愚而堅苦富者不盈百甲邑版者幾十室而歲收斛不滿數百其矣民之窮也習於窮故慣於忍窮以忍貧賤不能移苦以堅富貴不能奪教之入也莫易乎茲邇年以來上下以繭絲爲功守迫之令令迫之民而胥吏最黠足以顛倒其長令令之峻也火以熬政之怪也湍以驚噫仇矣朝三暮四狙不詐乎弱者買吏以爲安強者伍吏以爲市畏征者逃其田怖役者窟其戶鷗鳥舞而不下矣爲令者又相與詆茲邑曰難治噫斯民也三代之所以直道而行也民之尤乎上者其無辭乎淳祐辛亥四明石君孝聞來尹茲土越明年夏大水禍半天下而嚴尤甚城郭壞陵谷遷室廬十蕩八九賴尹顛頓扶版而登之岸淳之赤子一飯必曰微尹吾其魚乎越明

年又裁以旱尹扶傷救災曰不給雖大賢處此亦有未暇禮義之歎一日會邑之寓公秀民慨然以修教爲急尹之心子游之心也抑將以禮義救人心之弱矣雖然土木談何容易尹曰費當自公出吾將請於郡民曰費當自百姓出吾將率以助尹戚曰是厲民也民悅曰以佚道使民民忘勞也尹捐俸以倡鄉之秀民閭風興起咸戶相哀願翼斯役而無尤其上之心羣樂而築之不日而成由殿而堂堂而廡廡而門此經營之序也大成殿規模舊雖壯屋老風雨摧壓茲上覆悉改作餘則撤腐易新四隅翼以遊楹面殿設朱緣檻天井悉易甃先聖賢像加繪先聖座上下四旁設帳加帷仍凡而丹之廡下從祀七十二像升之殿東西兩夾室殿北有堂三間曰化成舊梁棟微弱今易以壯棖桷重覆之氣勢宏敞東西各一室再整刷亦如之仍長諭館焉長東諭西堂之北明堂三仍區兌軒軒外遙通衢舊甃頽塌來往者攀而入今易壘以峻之東廡八首創屋三間朱扉明牖區曰東齋廳西廡如之區曰西齋廳廳相聯分兩齋區仍之齋相聯有室東則仍令尹祠土祠創五先生祠西則仍融堂祠學廡兩廡舊無甃今甃之間三間及左右

翼室並撤新所仍者無幾并門戟易之左翼室匾曰
直學位又旁室創爲祭器庫并圖經在焉右翼室匾
曰齋館封土崇三十尺植杏匾曰杏壇在西廡北齋
隸屋兩間在東偏垣墉舊圯成熟路今厚築而鞏登
馮麗牲絜其庖齋宿庀其舍謹其關鑰以時啓闔規
引於前制經於久落成而爲之記蓋學以養士學新
矣士因而新其德師因而新其教夫石以琢礪爲甃
爲墀木以準繩爲棟爲梁士以範型希賢希聖由學
以致其道也學道將令曰樂只民曰孔邇胥與以有
成疇其仇諸恩斯勤斯疇其尤諸弦斯誦斯思樂泮
水羣斯
跋斯

元至元元年縣令杜公明顯重建禮殿 至正十一年

達魯花赤亦不剌金建兩廡戟門櫺星門

明洪武三年縣令和公鼎改建居仁由義二齋 十一

年縣令韓公鈍重修大成殿加以重簷欄楯徐尊生記洪武